



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Curæ istius à Leone susceptæ testimonium illistre extat in libro Eulogij
Episcopi Alexandrini de laude vitæ solitariæ.

urn:nbn:de:hbz:466:1-15617

copi, adeoque Romanus, moneantur synodis literis Anatolij, nullum in hoc discri-
men ponentes inter Episcopum Romanum & ceteros, nisi quod eum primo loco nomi-
nant, porrò totam rei gerendam auctoritatem in Anatolio constituant, Papam etiam Leonem illi debere subjici innuentes. Anatolius verò magna auctoritate usus, literas quaqua-
versum scripsit ad omnes Metropolitanos, præcipue verò ad Romanum; ut ipse docet in epistola ad Leonem Imp. scripta, & constat etiam ex epistola LXXIV. sancti Leonis. Vnde colligitur cogitasse Anatolium de ac-
quirenda sedi suæ amplissima auctoritate, ad exemplum Papæ urbis Romæ. Nam & ca-
non XXVIII. Chalcedonensis in hunc sen-
sum conceptus est.

V. Acceptis ergo literis Anatolij, Leo Papa ad Leonem Imperatorem rescripsit de-
bere eum dare operam uti catholicus Episco-
pus in Alexandrina Ecclesia constitueretur,
& ne quid cuiquam liceret adversus Concilium Chalcedonense. Scripsit de eadem cau-
fa ad Anatolium, ejus literis respondens, tum
etiam ad Basilium Episcopum Antiochenum, Iuvenalem Hierosolymorum, & Eu-
xitheum Thessalonicensem, Kal. Septembr. Constantino & Rufo Consulibus, ut eorum
cura innotesceret Episcopis earum partium
quænam esset Leonis sententia de fide Con-
cilij Chalcedonensis & de sceléstis Timothei
Ælurifacinoribus. Scripsit, inquam, ad Eu-
xitheum Episcopum Thessalonicensem, ut
quia is omnibus Episcopis Illyrianis præ-
rat auctoritate sedis suæ & ex privilegio sedis
apostolicae, subiectos sibi Episcopos faceret
certiores de toto isto negotio, in quo maxi-
mè versabatur Primum dignitas. Extat
Leonis epistola ad Euxitheim in eodem co-
dice M S. Cardinalis Grimani, rei gestæ se-
riem referens, ex qua nos sequentia descrip-
simus qua faciunt ad institutum nostrum:
*Cognitis que apud Alexandriam hereticorum fu-
rore commissa sunt, — fraternitatem vestram cre-
didi admonendam ut sceleratis ausib[us] sancta con-
stantia resistatis, ne in quoquam nostra communis
fides aut tepida inveniantur aut trepida. Ut autem
hec cohortatio ad omnium fratrum nostrorum &
coepiscoporum per Illyricum possit notitiam perve-
nire, diligenter vestre cura prospiciat: quia, quod
sepe dicendum est, tota religio Christiana turbatur,
si quicquam de his que apud Chalcedonem
sunt statuta convellitur.*

VI. Antea quidem Leo Augustus de ea-
dem causa scriperat ad Euxitheim, uti con-
vocatis Illyrianis Episcopis, quid in com-
mune sentirent de Timotheo & de Chalce-
donensi Concilio ad ipsum rescriberet; ut
colligitur ex elenco Episcoporum ad quos

missæ sunt ejusdem Imperatoris literæ, sub-
jecto epistolæ ad Anatolium scriptæ in ap-
pendice Concilij Chalcedonensis. Nam post
descriptam Leonis Imp. epistolam ad Ana-
tolium, admonet collector similem episto-
lam missam esse alias Metropolitanis Episco-
pis, quorum nomina & Ecclesiae recensentur.
Tum verò, ut docet auctor libelli synodici,
Eudoxius Episcopus Thessalonicensis (sic
enim vocat eum qui alibi vocatur Euxi-
theus) synodum congregavit, quæ Euty-
chem, Dioscorum, & Timotheum anathe-
mate notavit, sacram verò Chalcedonensem
synodum confirmavit.

VII. Curæ itius ab Imperatore Leone suscep-
tæ, tum consensu Episcoporum uni-
versi orbis pro defensione Concilij Chalce-
donensis adversus Ægyptios, id est, Timo-
theum Ælurum & sequaces ejus, meminit
etiam Eulogius Alexandrinus in libro de lau-
de vite solitariae, in qua hæc inter cetera scri-
bit teste Photio: *Narrat à Marciano Chalcede-
nonensem synodum coactam, Leonem Marciano
mortuo suscepit summe rerum prefuisse, Ægyptios
Concilium evertere conatos orbem totum tu-
multibus implesse, impie scilicetque rumores spar-
sisse Cyrilum a synodo damnatum, Nestorium re-
ceptum fuisse. Quorum, inquit, in sanum furorem
reprimens Leo, decreta Concilij Chalcedonensis
actaque cum encyclicis seu circularibus mandatis
per totum orbem misit, singulisque Episcopis &
Presbyteris necnon iis qui in religiosa & monasti-
ca vita celebres habebantur præcepit uti senten-
tiā suā scripto profiterentur. Quod Episcopi
numero mille sexcenti promptè sane executi sunt,
nemine qui aliter sentiret reprehensio preter Am-
philochium Side Pontificem, qui tamen & ipse
paulò post Concilij sententie subscrīptis conser-
vit.*

CAPVT XXIX.

Synopsis.

I. Investigandum deinceps supereft quonam denun-
tempore desierit magna illa Thessalonicensis Episcopi
auctoritas in Illyrico. Tum etiam agendum de vicaria-
tu Archiepiscopi prima Iustiniana & Episcopi Corin-
thiensis.

II. Prima adversus Thessalonicensem Episcopum
tentamenta fuere aeo Theodosij junioris, dein sub Sixto
III. Papa, tum sub Leone primo, irrito semper
conatu. Sed Archiepiscopus prima Iustiniana felicior
fuit quam ceteri.

III. Iustiniana prima, sive Achrida, Iustiniani
Augusti patria. Archiepiscopo civitatis illius Impera-
tor subiecti sex provinciæ, in quas jus omne abrigat
Episcopo Thessalonicensi.

IV. Institit deinde apud Agapetum Papam ut hic
Archiepiscopo committerentur vices sedis apostolicae.
Sed is asservi Iustiniano noluit.